

序

考自周禮鹽人掌鹽之政令以供百  
事之鹽祭祀供其鹽鹽散鹽賓客供  
其形鹽散鹽王之膳羞供其飴鹽鹽  
鹽者味甘而鹹卽今河東之池鹽是  
已則鹽之爲用其來已久固不始於  
管子興鹽筴之論夫鹽爲天地自然

之利佐司農賦稅之供而閭閻黎庶  
安能淡食是鹽之有關於國計民生  
者甚大何郡邑志乘多畧而不載詎  
非闕失歟我

皇上以聖人御宇百度維新

命天下鹽臣纂修鹽志以定一代之章程  
而垂於無窮甚盛典也初長蘆鹽法

志書成鹽臣莽鵠立

題請

御製序文因係畿輔重地蒙

皇上特允所請

睿藻輝煌照耀千古嗣因浙江撫臣李衛  
遵修兩浙鹽志進

呈并援例懇請

御製序文經戶部議以鹽課地方甚多若  
使各處奏請

宸翰似屬太繁查鹽政一切程式典章課  
額經費其大者載入

會典其詳悉者則地方大吏與董事  
各員深知原委今兩浙鹽法志書序  
文相應卽令該撫李衛撰文序入奉

旨纂修之由以昭

聖主恤商愛民之至意其已經修成之雲  
貴鹽志應交與總督鄂爾泰兩廣鹽  
志應交與總督孔毓珣甘肅四川鹽  
志應交與總督岳鍾琪各撰文一篇  
其未曾纂修告成之兩淮鹽志應交

與巡撫陳時夏福建鹽志應交與總

督高其倬河東鹽志應交與巡撫石  
麟各撰文一篇載入鹽法志書內可  
也等因於雍正五年八月二十五日  
具

奏奉

旨依議欽此欽遵相應行文各該督撫遵  
奉

旨內事理欽遵并知照兩淮河東鹽政可

也

臣石麟

荷蒙

聖恩畀以晉撫重任接准部咨隨即欽遵

咨准河東鹽臣碩色移送河東鹽法

志書到

臣

詳加緝閱按河東禹貢冀

州之域天文參觜分野蓋緣河起西

域歸於東海始流而北迤邐而東經

靈朔間詰曲而南郡當左境故曰河  
東也明稱平陽府轄三十四州縣我  
朝因之雍正二年陞蒲解隰吉絳等州  
爲直隸而縣之屬府者僅三之一雍  
正六年陞蒲州爲府其實鹽之行於  
境內者三十四邑外澤潞而已然而  
南達淮源西極汧隴行三省之疆域



皆因其地而制宜者也河東鹽產於  
池池介解安之交山之麓近安邑者  
爲東池近解州者爲西池名雖有二  
實一池耳廣五十一里袤七里幅員  
百一十六里渟泓浩渺漣漪映天鹽  
根附土糾蟠纏結是池也水畜硝板  
上止數寸以故旱則病枯底深岸高

客水易趨以故雨又病潦不枯不潦  
則日曝水凝而成鹽板南有風洞勝  
著中條以時薰發出聲隆隆池水被  
之板上花生鹽顆自呈古惟集工撈  
採收自然之利李唐以後有治畦澆  
曬之法是以人力代天工矣鹽之品  
類最夥大約生乎天而成乎人陰爲

體而陽爲用故有煮海而成者薊遼  
山東兩淮廣南閩浙之鹽是也有浥  
水於井成造法同煮海者西蜀滇黔  
之鹽是也有浥水沃土或值雨過土  
白刮淋鹿煮而成者營井之鹽是也  
有崖砧崔嵬雨滋日暎積如礬霜刮  
取卽可充食者階成蘭鳳之鹽是也

東坡志林卷之九  
更有龍城剛鹵形似蒺藜其下有鹽  
纍碁而生如異物志所云者巴東胸  
臆井在北崖鹽水自凝中突邊鋪狀  
同傘子如陶弘景所云者再有木鹽  
依樹蓬鹽依草要之雨露沾濡水爲  
類矣日火皆陽爍水作味其用仍一  
卽或化成自天人力不與總非二氣

磅礪與氤氳之浚者不能惟此解鹽  
曬取雖與廟灣花馬之法同而薰風  
自南鹽成昕夕作味甘鹹功用神速  
誠莫之與並矣但池鹽成於水而敗  
於水欲其成而無敗惟渠堰是賴渠  
以洩諸水而導之外出堰以障諸水  
而防其內入不豫計而爲之所池將

東傳...  
潰溢鹽於何有故必乘時濬築俾其  
浚固則治水無非治鹽也是志也爲  
目二十有六曰鹽池曰禁垣曰畦地  
曰種治曰渠堰曰山澤曰灘地曰引  
目曰課額曰商人曰支掣曰運程口  
律例曰鹽法曰官職曰運城曰公署  
曰積貯曰池廟曰祥異曰運學曰武

備曰宦蹟曰人物曰疏議曰藝文爲  
卷一十有二綱舉目張條分縷晰尋  
原竟委援古証今凡所以護池保鹽  
疏引裕課庶富教養之道靡弗備載  
官斯土者覽是書因其良法美意悉  
心體察力而行之其有裨於鹺政良  
非淺鮮豈僅曰補郡邑志乘之闕失

而已哉敬附一言弁諸簡端使轉運  
河東之鹽與買食河東之鹽者皆知  
聖天子恤商愛民之至意洵足昭垂於億  
萬斯年矣

雍正五年歲次丁未嘉平之吉巡撫  
山西太原等處地方提督鴈門等關  
軍務兼理雲鎮都察院右副都御史



加二級紀錄一次臣覺羅石麟奉

勅謹序

勅修河東鹽法志

總裁

巡撫詹事府提督傅壽等纂修都察院都御史程燾等纂修

滿洲正紅旗人

兼管河東鹽法御史陝西西安布政使司布政使加二級

碩色

滿洲正黃旗人

纂輯

河東陝西都轉運鹽使司加

勅管鹽法道調淮運使加二級

臣朱一鳳

順天涿州人

河東陝西都轉運鹽使司加

勅管鹽法道運使革職畱任

臣楊夢琰

江南丹徒人

河東陝西都轉運鹽使司加

勅管鹽法道運使加一級

臣姚培和

江南婁縣人

編次

河東陝西都轉運鹽使司分理鹽務運同

王又樸

直隸天津人

較閱

解州知

州

許日熾

廣東程鄉人

安邑縣知

縣

車敏來

湖廣邵陽人

署運司儒學教授

臣

杜先瀛

山西太谷人

運司儒學訓導

臣

李曾

山西陽城人

監刻

河東陝西都轉運鹽使司分理鹽務運同紀錄

臣

張迪

江南丹徒人

河東陝西都轉運鹽使司經歷

臣

王克慎

順天宛平人

河東陝西都轉運鹽使司知事

臣

董文化

順天涿州人

監刷

中場

鹽

大使

臣

盧

潮

江南邳州人

東場

鹽

大使

臣

楊國瑗

順天大興人

西場

鹽

大使

臣

姜

泳

順天大興人

較字

生

員

臣

冷

焜

浙江錢塘人

勅修河東鹽法志目錄

卷一

鹽池

禁垣

卷二

畦地

種治

渠堰

山澤

灘地

卷三

引目

課額

商人

卷四

支掣

運程

卷五

律例

卷六

鹽法

官職

卷七

官職

卷八

運城

公署

積貯

池廟

祥異

運學

武備

卷九

宦蹟

人物

卷十



疏議

卷十一

藝文

卷十二

藝文

勅修河東鹽法志圖目錄

河東大鹽池圖

河東大鹽池硝池六小池渠堰圖

三省行鹽疆域圖

河東運城圖

河東運學圖

昭惠裕阜鹽池神廟圖

巡鹽御史察院公署圖

河東運使公署圖

勅修河東鹽法志卷之一

河東大鹽池

大不愛道地不愛寶天地出自然之美利佐

聖朝軍國之需贍三省萬民之食河東大鹽池是也

志鹽池

河東大鹽池在中條山北麓解州安邑之間近  
安邑者爲東池近解州者爲西池名分爲兩實  
卽一池說文河東鹽池袤五十一里廣七里周  
總一百十六里凡池皆水而此池之水其味鹹

鱗介不育其性溫隆冬不冰或曰此海眼也蔥  
嶺之東有海焉曰鹽澤河流所注不溢不涸此  
池亦名鹽澤是竅於山川生此奧區以粒我烝  
民唐崔敖曰海眼通波河源伏脉千里一氣瀦  
爲廣斥是也九有之鹽有煮於海掘於地汲於  
井積於鹵出於崖出於石出於草木之各殊而  
此池之鹽則出於種沃水於池種鹽於畦日以  
暵之雨以潤之風以結之而鹽遂成舜帝南風  
之詩曰南風之薰兮可以解吾民之愠兮南風

之時兮可以阜吾民之財兮蓋以南有風洞風  
自洞出爲南風夏月治畦得南風而舉體皆清  
工人種鹽得南風而所收倍入聖帝恤民勞厚  
民生意溢於揮絃之表至今池上有歌薰樓彈  
琴處在焉古名池曰解池以州名也又曰鹽池  
以鹽名也周禮天官鹽人掌鹽之政令以共百  
事之鹽有苦鹽散鹽形鹽節鹽杜子春讀苦爲  
監謂出鹽直用不凍治者賈公彥疏曰監出於  
鹽池今之顆鹽是也左傳郇瑕氏之地沃饒而

近鹽杜預註曰郇瑕河東解縣鹽也猗氏縣  
鹽池是孔穎達疏曰鹽字從鹽省古聲然則鹽  
是鹽之名鹽雖是鹽惟此池之鹽獨名爲鹽餘  
鹽不名鹽也史記貨殖傳猗頓用鹽鹽起註曰  
鹽鹽河東大鹽是河東池鹽爲鹽鹽無疑鹽鹽  
者謂池內澆曬之鹽可直食用不須凍治自成  
顆粒故曰顆鹽而顆粒之大異於散鹽之小故  
又曰大鹽且大如印累小如珠剖與形鹽同風  
其水而成皓潔甘美味勝飴鹽柳宗元稱爲國

之大寶有以也時當太和翔洽粒重英以表稔  
花四出而呈瑞康熙四十二年十一月初八日  
聖祖仁皇帝駕幸河東閱視鹽池省方問俗商民焚香  
夾道雍正五年十一月池鹽不種自生共收七  
百餘萬觔商民踴躍歡呼皆謂我

皇上聖德感孚名此奇瑞自有鹽池以來未有盛於  
今日者也

唐有鹽池十八而河東居其五五池總曰兩池  
歲得鹽萬斛以供京師宋引池而成者曰潁鹽

元立鹽法有因自凝結而取者解池之顆鹽也  
今兩池區爲三場曰中場曰東場曰西場三場  
統在一池之內池東西長而南北狹池之灘有  
畦畦分阡陌以爲種治池之中有河河亘東西  
以資澆曬

女鹽池

女鹽池水經注所謂女鹽澤者是也唐鹽池一  
十有八蒲州安邑解縣有池五總曰兩池設女  
鹽監以董西池女鹽之名自此始周禮天官鹽



人女鹽二十人鄭氏注女鹽女奴曉鹽者賈公  
彥疏以其曉解治鹽有才智則曰女鹽或曰爾  
雅釋女爲小如女墻女桑之類是也池爲小中  
之大而以女名以有大池也在解州西北去州  
治六里許廣袤三十餘里一名硝池解州西北  
有六小池合此爲七女池地據高阜首當中條  
山谷之下流所瀦客滂爲多溢則水淡生魚乾  
則水苦生硝硝本鹽類作味苦澀克食則使人  
洩利又女池在禁垣之外盜取每易冒鹽賤售

猾法碍課是以嚴禁撈採又且勢較東池爲高山谷水漲姚暹渠滿澎湃吞吐東趨禁垣大爲池患垣西築有硝池諸堰以防潰決元時運治移於路村西池始廢明萬曆四十年御史楊州鶴題請開荒澆曬准半報以恤困商尋積水汪洋不可澆曬

### 六小池

六小池者一曰蘇老一曰鬻斗一曰夾凹一曰永小一曰賈瓦一曰金井在女池之西北相距

數里方長不一其形而最大者水面不過畝餘形如聚星間亦生鹽半爲硝礮開元以後總稱西池同隸女池監宋崇寧元年解州賈瓦南北團池修治畦眼拍磨布種通得鹽一百七十萬二千七百餘觔州具以聞後荒棄不治明隆慶四年河東鹽運司開墾解州六小等池照太汾事例印給小票發賣其撈辦入官鹽課當校三年內實收之數酌爲定額接補東池額欠有餘一併補發大同併布政司年例之數仍令運司

各官遵照舊制運副駐劄安邑專管東場運同  
駐劄池南專管南場運判駐劄解州專管西場  
各鹽該州掌印官協理女鹽等池北岸中場責  
令運使帶管分守河東道移駐解州監理東西  
兩池事務將該道原領勅書添載監理解州鹽  
法字樣換給巡鹽御史亦照長蘆兩淮巡鹽併  
陝西巡茶事例就近巡歷該管行鹽地方維時  
大池水溢商無掣支課鮮自出因許各處有力  
之家隨意封納以時驗放萬曆間御史汪以時

垣金井賈瓦永小三池天啓六年御史黃憲卿  
又允勤民之請於金井南北地中開荒澆曬比  
照壓待商人之例准以每鹽十車五車工本五  
車自報此亦同於女池半報義耳其永小賈瓦  
二池勤民自備工本澆曬或准一年一更或准  
三年一更准以三車工本七車挨次商人帶報  
每年多寡不等後尋停澆曬

國朝康熙十九年大池水患衆商援例呈請暫開  
垣西小池澆曬濟課待大池涸出仍回本號巡

鹽御史曾寅疏請從之。巡鹽御史黃斐踵任其  
後，議均地立畦之法，務期公普。運使高夢說奉  
檄查議，詳稱查得永小池旁計地一百二十二  
畝，五分金井池旁地七十三畝，三分賈瓦池旁  
地一百八十七畝，五分又東稍地十一畝，二分  
五釐喬家溝有地三十畝，四分蘇老池旁地一  
十五畝。各地共計四百二十九畝九分五釐。應  
分之商五百一十三名。池地各有肥磽，商思揀  
擇情之常也。若每地俱令均分，則零星不便經

理坐派又非示公今議將地分成五百一十三處每商一名應得池地八分三釐有畸隨照地形長濶方斜積弓科筭務足八分三釐有畸爲率用阜吾民之財五字每池各用一字挨編五百一十三號每地一處編爲一號自阜字一號編起池完換字號數頂接至財字五百一十三號止首永小次金井次賈瓦次喬家溝次蘇老前後編定造成號冊每號寫造竹籤一枝傳集各商當堂自拈該課六錠者拈籤一枝十二錠

者拈籤二枝拈着字號卽將商名註定冊上旣  
免目前之趨避更絕日後之爭持又西池原無  
墻垣成鹽必皆露積關防爲難偷竊最易茲查  
西禁門相去小池約二十里搬置稍便應將各  
商收獲之鹽委場員逐日盤驗登數具報隨督  
各商運堆西場以候掣放庶關防看守兩有所  
藉至康熙二十五年大池水退修葺告完御史  
勒信

題明停止將所開畦井填塞商歸大池復業今查



永小池周圍四百四十八丈金井賈瓦夾凹三池周圍一千五百八十丈蘇老池南北長三百零八丈熨斗池南北長二百九十七丈內產硝鹽附近居民私澆私曬掘挖硝版車載驢馱賣與腳戶插和官鹽以致三省行鹽地面鹽苦難食是硝鹽不禁官鹽必至壅滯但地處曠野運司分司皆駐劄運城相隔寫遠鞭長莫及若照大池築設墻垣無論工程浩大所出不償所費且無地行銷若任民採取則遍地私鹽坐運兩

商交病宜環池建蓋窩舖抽撥弓兵防禦就近  
歸解州印官管轄不時查察庶私澆私曬可禁  
而於鹽務有益矣

附陝西花馬池

志河東鹽法而及陝西花馬池蓋以陝西鳳翔  
一府八屬皆領河東之引而食花馬小池之鹽  
收課解河東運司名曰鳳課則花馬池之形勢  
不可不知其畧也花馬池大池小池共三池在  
慶陽府寧州之北距府六百餘里與馬槽等池

星列碁布於百里之內若三池之相間里有遠至百者其花馬一池實爲靈州之重鎮而小池則尤控寧夏之全勢者也池本西秦牧地卽土治鹽遂名曰花馬池查解鹽之行於陝西者唐柳宗元言西出秦隴崔敖言西距隴坂宋史言秦鳳以東皆食解鹽至道中陝西食顆鹽者則京兆鳳翔府同華耀乾商涇原邠寧儀渭鄜坊丹延環慶秦隴鳳階成州保安鎮戎軍元時解鹽仍舊西行鞏昌府等處皆循例認納乾課從

便食用寧夏韋紅之鹽以黃河爲界禁約韋紅  
鹽不許東渡犯界侵課明行河東解鹽者則西  
安漢中延安鳳翔四府而平慶臨鞏四府皆食  
秦鹽平涼慶陽食花馬小池之鹽臨洮鞏昌食  
西河漳縣之鹽而其課仍歸河東奏報隆慶四  
年漢中延安二府改食池鹽謂食花馬大池也  
萬曆四十一年鳳翔府屬改食花馬小池

大清會典陝西鹺法隸河東巡鹽御史其靈州定  
一 邊大小二池等處就近司道兼理康熙二十九

年巡鹽御史索里請將平慶臨鞏四府一切鹽課盡歸甘肅巡撫就近管轄部議花馬小池並臨鞏二府徵收鹽課之處離河東鹽差衙門往返四千餘里交收錢糧止憑空紙候行文移必致遲滯若仍令河東鹽差兼管其缺額斷不能免應令甘肅巡撫就近管轄等語應如該御史所題令甘肅巡撫管轄徵課每年另冊奏報其延漢二府屬仍屬河東巡鹽御史兼轄然收課八千九百八十兩五錢四分州縣冊報西安藩

司奏報不由河東運司是陝西通省領河東之引而食河東之鹽者惟西安一府屬與興安華同商乾耀邠七州屬而已至鳳翔一府八屬額引一萬六千三百引額課六千四百八十兩四錢係鳳翔府領引分給各屬徵收鹽課批解河東運司彙解

會典開載河東行鹽地方陝西西鳳二府興安一州者是統行鹽地方與鳳課而言也順治十二年御史朱紱酌覆鹽法疏云鳳府原屬河東池

商行鹽之地自明萬曆四十一年因花馬小池私鹽橫賣解鹽難行遂議以鳳屬改食小池仍在河東納課領引明季闖逆蹂躪小池井塌夫散煎熬無人鳳民納課不得支鹽且鳳翔距花馬小池遠距河東近舍近就遠鳳民何堪宜除包課苦累仍招解商往行解鹽招有新商胡呂劉等一十七名上請部議鳳翔八屬食靈州小池之鹽係萬曆間所行之例我

朝定鼎以來課額不缺若禁靈鹽而行解鹽似不

合理相應照舊不必紛更康熙十二年御史何元英復以鳳屬有課無鹽疏稱鳳翔一府明初原屬晉商發賣萬曆四十一年有改食靈鹽之一議小民便於食私因而願賠國課究無靈池挖井掣鹽與商運賣之事

國朝康熙七年招商往運方知靈鹽原無實事靈池並無支發鳳屬之鹽若欲鳳商挖井於靈以供撈運則殘困之民不能越險阻而措巨貲是有課無鹽終爲民累請



旨飭部議覆部議仍照舊例領河東之引而不食河

東之鹽

卷之三十一

三十一

勅修河東鹽法志卷之一

禁垣

環池四面周圍以墻名曰禁垣開三門以司啟閉設舖舍以嚴守望所以禁禦盜賊保障鹽池也志禁垣

唐司空輿言壕籬者鹽池之隄禁此卽禁垣之意宋募兵百人目爲護寶都以巡邏之後瀕池設有攔馬短墻自安邑縣介村抵解州圍立環合寬廣規池而有加池稱東西二場分二門以

爲捷徑但短垣及肩莫能捍禦明成化十年御史王臣巡鹽河東經理解池慮稽察稍遠塞東西二門另於池北闢中門以總出入又於馬墻之外築禁垣一週二千五百餘堵計長一萬七千四百二十二丈高低隨乎地勢南北垣高丈有三尺基厚如之漸次而上上厚八尺有奇東西垣高一丈基厚八尺上厚六尺有奇垣之外有馬道以便往來有隍塹以蓄野水深濶皆丈垣內外置舖以居邏卒經理頗爲周詳工未告

竣次年御史袁正繼之畢其績仍間有援而入者十二年御史陳鼎崇之至二丈一尺遇圯隨築以補之二十一年御史吳珍請於朝仍開東西二門合中門共稱禁門者三中禁門與運城相對名曰祐寶東去安邑五里者名曰育寶西去解州十里者名曰成寶三場趨赴各從其便正德十二年御史熊蘭大修禁垣齊其高厚嘉靖十五年雨靈水漲傾者五百八十餘丈御史沈鐸重築完好萬曆四十年御史楊師程以池

工例責堰戶法久弊滋推委偷安革堰戶之名  
檄行值修州縣集議將禁垣渠堰丈量分工立  
石表界刊冊永遵責成既專民力公普朝檄不  
難夕赴而門鋪之繕葺不與焉

國朝順治五年澆曬工由商僱向置鹽丁無所効  
用先後汰存酌照州縣大小共派畱用四千名  
專任修垣

分工州縣一十有三曰解州曰蒲州解州屬邑  
曰安邑曰夏縣曰平陸曰芮城蒲州屬邑曰臨

晉曰榮河曰猗氏曰萬泉平陽府屬縣曰聞喜  
絳州屬縣曰河津曰太平

禁垣馬道周挨承接鹽丁工次數目自池北中  
禁門東起

聞喜縣工程一千一百九十丈至安邑縣工界  
安邑縣工程一千六百一十九丈至夏縣工界  
夏縣工程四百八十五丈至蒲州工界

蒲州工程二百一丈二尺至榮河縣工界

榮河縣工程二十七丈五尺至河津縣工界

河津縣工程九丈三尺至萬泉縣工界

萬泉縣工程一百一十六丈至猗氏縣工界

猗氏縣工程二百九十二丈至聞喜縣工界

聞喜縣工程二百五十一丈至夏縣工界

夏縣工程二百四十六丈七尺至安邑縣工界

安邑縣工程二千五百七十四丈至太平縣工

界

以下池  
南面

太平縣工程二十七丈三尺至平陸縣工界

平陸縣工程一百八十九丈七尺至芮城縣工



界

芮城縣工程七百四十七丈至解州工界

解州工程四百一十四丈至臨晉縣工界

臨晉縣工程一千七百八十丈五尺至蒲州工界

蒲州工程一千九百二十四丈至榮河縣工界  
以下池  
西面

榮河縣工程四十八丈至平陸縣工界

平陸縣工程三十四丈三尺至芮城縣工界

芮城縣工程二百一十六丈五尺至臨晉縣工  
界

臨晉縣工程一千六百六十三丈至河津縣工

界

以下池  
北面

河津縣工程八十丈至解州工界

解州工程八百一十四丈至猗氏縣工界

猗氏縣工程一千七百一十三丈至萬泉縣工

界

萬泉縣工程七百五十八丈至中禁門西止

雍正三年巡鹽御史馬喀

題請豁鹽丁修築之役禁墻渠堰委運同動帑募夫督理于是十三州縣之工皆歸運同委員修理

禁垣內外舖舍


內舖三十二分中東西三場立有界牌池內弓兵五十三名各帶鳥鎗火藥以捍禦入池盜鹽賊徒屬知事管轄

外舖三十六三巡檢司每司管十二舖以聖惠

鹽池長樂三司次字編號分惠字池字樂字等  
舖自一以至於十二各立界牌聖惠司弓兵六  
十七名長樂司弓兵六十七名鹽池司弓兵六  
十六名專司禁垣之外踰墻盜鹽併一切該舖  
私販

垣內偷出一引私鹽地方卽壅積一引官鹽斗  
級守護於內弓兵巡邏於外門役又嚴謹鎖鑰  
粒鹽斷難飛越但緝私之人卽竊私之人禁私  
之役卽縱私之役凡踰墻入池偷盜私鹽惟巡

役斗級是問該管官員知情徇縱一併詳報叅處



勅修河東鹽法志

河東大鹽池圖

池在中條山北麓西籠解梁左繚安邑東西長

五十一里南北闊七里循其廣袤而計之周一

百十六里池之中列地爲畦共五百四十九號

分爲三場曰中場曰東場曰西場四面圍之以

牆長一萬七千四百一十三丈曰禁垣內開三


門以通出入中曰佑寶東曰育寶西曰成寶中

舖三十二外舖三十六各立界牌










勅修河東鹽法志

河東大鹽池硝池六小池渠堰圖

大鹽池在解州安邑之間此現在澆曬種鹽之池硝池六小池在解池西北今不澆曬種鹽然皆爲河東鹽池唐有鹽池十八而河東居其五例得備繪以便觀覽至附近鹽池之州縣村庄與鹽池四面之山水渠堰凡有關於鹽池者應逐一圖繪庶河東鹽池形勢瞭如指掌矣



力多可夏... 圖考... 圖



縣城荷

高寺

五龍塔

解州

關帝廟

張底

張西

曹家坡

故市

東蛇

王官谷口

麻村

小六池

七郎堰

納池堰

女蓋池

賈瓦

老藕

金井

齋

小永

東青

西青

橋頭

侯村

曹家

杜村

曲龍

利


文員

侯村

裴

嶺峒坡

猗氏縣



堰灣家寶

風谷洞

二郎廟

廟

廟

三郎廟

西姚廟

廟

委房村  
巡檢司

大李村

小李村

周園禁牆

小石關

小石關

石關

石關

護寶長堤

龍潭

東門禁

甘泉井

神廟

池

歌臺樓

中門禁

西淡泉

西門禁

巡檢司

長樂堰  
長樂壩

安邑

魏豹城

運城

三里橋

廟

王原

迎渠橋

東河青院

圪塔廟

北路

莊

廟

北橋

孤山

縣

臺

鵬

史家峪

李

李

白家新堰

郭

村

光



廟

白沙河水從此入五甲橋

白沙河故道

五甲橋

永

村

備水月堰

村

東

村

王

村

家

村

塘

灣

家

場

村

若池橋

村

池

村

池

村

池

村

水凍

村

張

村

水頭

山

稜









勅修河東鹽法志


三省行鹽疆域圖

山西平潞澤蒲四府屬解絳吉隰四州屬皆食  
河東池鹽太汾寧武三府屬遼沁平保忻代六  
州屬皆食本處土鹽陝西西安一府屬興安同  
商華耀乾邠七州屬皆食河東池鹽鳳翔府屬  
皆食花馬池鹽河南南陽河南二府屬汝陝二  
州屬與許州之襄城皆食河東池鹽凡鹽所經  
由之山川鎮店皆得備繪



凡府用口  
 凡州用◇  
 凡縣用○  
 凡轉脚村鎮  
 用△  
 山名水名止  
 列鹽所經由  
 之處餘不悉  
 載







勅修河東鹽法志

河東運城圖

運城在安邑西十五里在解州東四十里地屬安邑之境又名曰路村城周九里一十三步廣袤各四之一高二十四尺有四門南曰聚寶北曰迎渠東曰放曉西曰留暉內分九坊曰厚德曰和睦曰寶泉曰貨殖曰榮恩曰賢良曰甘泉曰永豐曰里仁商民輻輳烟火萬家治鹺公署在內





迎渠門

永豐坊

王皇廟

興寶寺

司運

府君廟

運學

菜園坊

察院

留聯門

和陸坊

仁里門

聖母廟

西場

東場

聚寶門





勅修河東鹽法志


河東運學圖

運學在運城東南其大成殿明倫堂崇聖祠敬  
一亭尊經閣名宦鄉賢祠制度規模與郡庠同  
大成殿上敬鑄

聖祖仁皇帝萬世師表額

皇上生民未有額東爲弘運書院每月朔望齊集紳  
衿商民宣講

聖諭廣訓大義覺述錄



自天子... 考

敬一亭

明倫堂

生民堂  
大成殿

東廡

西廡

戟門

名宦祠

賢祠

崇聖祠

萬世師表

運學

聖廟

門

崇聖祠

名宦祠




勅修河東鹽法志

昭惠裕阜鹽池神廟圖

神廟在池北卧雲岡運城南門外鹽池中禁門  
內中爲


勅封昭惠裕阜鹽池之神左爲條山之神右爲風洞  
之神前有歌臺海光樓又前有歌薰樓舜彈琴  
處在焉池廟東有關聖廟又東有太陽雨神廟  
池廟西廡有土地祠南坡有甘泉祠皆有功於  
池故並祀於池統名爲池神廟

禁墻



勅封耶路辜塩池之神

真方真



西角門

風河

正城

條山

地接天

西角門


東角門

光亭

靈廟

經宮天感

歌臺樓







勅修河東鹽法志

巡鹽察院公署圖

巡鹽御史公署居運城之中正南坊表曰綱紀  
三省大門額曰察院前樹屏曰正肅東有鼓樓  
西有鐘樓右坊曰激濁左坊曰揚清中爲堂曰  
風紀後爲堂曰退思又後爲寢室曰水蘂北有  
亭曰栢香東曰憶梅西曰存竹








勅修河東鹽法志

河東運司公署圖

運使公署在運城西街正南坊曰總計三省進  
爲通惠樓再進爲大門再進爲儀門再進爲戒  
石亭爲經國堂堂後爲和衷堂爲萬笏樓經國  
堂左右爲豐濟庫署之東偏爲運阜倉分司署  
在運使署西偏分司署南爲經歷司署又南爲  
知事署



夢真

和衷

經閣

豐澤庫

總司宅

蓮阜倉

儀

呂祖祠

大

土地廟

蕭曹廟

寶實館

